

三才廣志

廣志卷之九百八十八

技藝

畫

要語

畫界也繪也爾雅形也釋名推也以五色挂物  
象也或作畫漢制畫衣冠而民不犯又陌韻  
說文  
絲會聲又畫也語繪事後素或  
作橫通作會

論語子曰繪事後素曰禮後乎前武詔唐虞畫  
象而民不犯益稷以五采彰施於五色禮器白  
受采揚吾子受變丹青馬授傳畫虎不成反精  
狗楞嚴諸大幼師求太陰精用和幼藥是諸師  
等手執方諸豕月中水周禮注鏡調之方諸

畫品畫有六法一曰氣韻生動二曰骨力用筆  
三曰應物象形四曰隨類賦彩五曰經營置位  
六曰傳移模寫

畫六法三品

圖繪寶鑑謝堇云畫有六法一曰氣韻生動  
二曰骨法用筆三曰應物寫形四曰隨類傳  
彩五曰經營置位六曰傳移模寫六法精論  
萬古不移自骨法用筆以下五法可學而能  
如其氣韻必在生知固不能以巧密得復不  
可以歲月到默契神會不知然而然也故氣  
韻生動出於天成人莫窺其巧者謂之神品  
筆墨超絕傳染得宜意趣有餘者謂之妙品  
得其形似而不失規矩者謂之能品

雲氣候悉資筆墨而窮極妙者若非博學廣  
論爲得精通妙用歟故有寡學之士兀兀之  
徒忽界資道者多矣其學問廣博之流惟恐  
淺陋疎畧也彼熬熬汲汲與利名交戰者與  
吾道殊塗耳此安可與言之哉愚習山水人  
物已爲歲久所得山水之趣粗以爲法誠不  
敢爲卓絕之論雖言無麗藻亦使好學之士  
頃然開悟分爲十論各隨品目以附於後時  
宣和辛丑歲季夏八日琴臺韓拙全翁序

### 論畫山

凡畫山言丈尺寸分者王右丞之法則也山  
者有主客尊卑之序陰陽健順之儀其山布  
置各有形骸亦有各呼習山水之士好學之

沅切要知之也主者爲衆山中高而大者是  
也有椎氣而敦厚傍有輔峯藁園者岳也大  
者尊小者卑也大小同阜朝接於立者順也  
不如此者逆也客者其山不相干而過也分  
陰陽取之也凹深爲陰凸面爲陽山有高位  
大小之序以近次遠至於廣極者矣洪谷子  
云尖者曰峯平者曰頂圓者也變相連曰巖  
有穴曰岫峻壁曰崖崖下曰巖巖下有穴爲  
岩穴者釋山云山大而高者嵩山小而孤者  
岑銳山者高嶠而纖峻卑而大者扈也山小  
而衆山歸者其有小山藁園名曰羅園言藁  
陟者山三重也兩山相重者謂之丹成映也  
一山爲伍也小山曰岌大山恒岌謂高過也

言屬山者相連屬也。嶧山者連而絡繹也。俗  
曰絡繹者，群山相續而通也。言獨者，孤而只  
一山也。山脊岡者，其山長而脊也。言翠微也，  
近山旁坡也。山項冢者，其山顛也。岩者，洞穴  
是也。洞者，有水曰洞，無水曰府。言山者，山形  
如堂室也。言嶂者，山形如嶂，帳也。言小大別  
大山，鮮不相連也。言山絕徑者，連山斷絕也。  
言崖者，左右有岸。史山足也。言礙者，多山石  
也。多大石者，鑿盤石也。多草水者，為之妨，無  
草木為之礙。石戴土為之崔嵬。石山上有土  
也，土戴石為之矧土。山有石也，言阜者，土山  
也。小堆曰阜。平原田坡高田隴，岡隴巔相連  
挾映林泉，漸分遠近也。言峪者，通人曰各不

通人曰峪窮瀆者無所通而注川也山夾水曰澗陵夾水田瀆溪者蹊中有水也宜盡盤曲橫掩映續斷伏而復見也山亦有四時貌景物各異東山敦厚而廣博景質而實西山川峽而峭拔高聳而嶮峻高位山而水多江湖景秀而華盛北山闊慢而多阜林木氣重而水窄東山宜畫村路耕鋤旅店山居游宦好旅之類西山宜畫閨城棧道羅網高閣現字之類北山多用盤車駱駝採樵背負之類南山宜畫江鄉漁市水村山閣之類但加之稻田魚樂無用盤車駱駝也要知南北之風不同耳故深宜分別山有四時之色春山純治夏山蒼翠秋山明淨冬山叅淡此四時

之氣象也郭氏云山有三達自山而下仰山上皆後有浚山者謂之高達自前山而窺後山者謂之深遠自遠山至遠山謂之平遠又愚論三遠者有山根邊岸水波亘望而遙謂之闊達有野霞膜漠以野水隔而彷彿見者謂之迷遠景物至極而微茫縹緲者謂之迷遠以上山之石狀當盡備文理詩意用之無俟博雅君子之問若問而無對此無知之士也不可不知或詩句中有此山名雖得其名則不知其山之狀者安可措手而製之凡畫全景山者重疊覆壓只尺重深以這次遠或從下層疊分布相輔以卑次尊各有順序又不可太寔仍要嵐霧鎖映林木遮藏不可



露臚知人無衣乃窮山也旦山者以林木為  
裳衣以草木為毛髮以烟霞為神采以景物  
為粧飾以水源為血脉以嵐霞為氣采畫若  
不求古法不寫真山惟霧俗變采合虛妄自  
為超古越今以自蔽變是為非此乃懵能不  
知山水格要之士也難可與言之嗟乎今人  
是少非多亡古徇今方為名利之誘奪故博  
故好學者鮮矣倘或有得其堂奧者誠可與  
論也彼笑傲今古侮慢宿學之士適足以此  
言為戲也

論畫水

名水甚多山水  
下可用其裁之

且水有緩急淺深此為大臚也山上有水舊  
見說謂出  
子焉山下有水曰淀徒  
其故澗謂  
谷山澗間

有水曰湍。湍沸而激石者謂之湧泉。山石間有水澤發而仰沸者謂之噴泉。言瀑布者巖崖峻險之間一水飛出如練千尺懸濯于萬仞之下有驚濤怒浪湧滾騰沸噴濺漂流雖鼉黿魚鼈皆不能容也。言濺撲者山間積水欲流而石隔罅中猛下其片浪如湍者石迎激方員曲折交流會合用筆輕重自用分淺深也。言淙者激流攢衝鳴湍擢噴若雷風四集流謂之淙也。言片水者不用分間一片注下沂水也。與瀑布頗異亦宜分別。有水者風波浩蕩巨浪卷翻山水中少用也。有兩邊峭壁萬仞不可通途中有湍急深流如箭舟船石可停者硤水爾無急於此也。言江

湖者洞庭之廣大也言泉源者水平出之流水也其水混混不絕孟子所謂不舍晝夜者是也惟溪水者山水中用之多矣深宜盤曲掩映斷續伏而復見於遠至近仍宜用煙霞隱鎖爲佳王右丞云路欲斷而不斷水欲流而不流此之謂歟有似磧者水心道流之沙灘也水流於兩邊迴還有致於整者有岸魚水也然水有四時之色春水微碧夏水微綠秋水微清冬水微濤又有沙汀烟渚皆水中人可居而景可集也至於魚鱣鴈落之類畫之者當自取才况水爲山之血脉凡畫山水故宜天高地闊爲佳也

論畫林木

凡林木有四時榮枯大小葉實只尺深重以  
速次近故木要看蒼遠健硬筆跡堅重或質  
或麗以筆跡欲斷而復續也且或輕重本在  
運筆高位暈淡恙由於用墨此畫林木之要  
格也洪谷子曰筆有四執者筋皮骨肉也筆  
絕而不斷謂之筋纏縛隨骨謂之皮筆削堅  
正而露節謂之骨起伏負混謂之肉凡畫宜  
骨肉相輔也肉多肥軟濁也苟美矣無骨也  
骨者剛而緊也勁死者無骨也跡斷者無筋  
也墨大而質朴者失其真氣墨微怯而弱者  
敗其真形其木有停分而有執不可太長者  
無執力不可太短太短者瘡而獨也皆有形  
執而取其執刀無執刀而亂作盤曲者乏其

執刀也。若只取剛硬而無還轉者，虧其生意。  
若筆細墨微者，怯弱也。大凡取其合宜用度  
之也。

霄漢枝逆而復掛下接凡木以貴待賤如君子之德和而不周荆浩曰成林者氣槩喬幹不材者抱節自屈有僵蓋而枝盤頭位而亞腰者爲異松也皮老蒼鱗枝枯葉少者爲枯松也訣曰松不離兄弟爲高低相亞松亦有子孫者爲絡枝相續唯幼松者其梢凌空而僅出其針交結而陰重也且栢者若候伯也訣曰栢不葉生要老逸舒暢空宜轉經捧節有文多枝小葉節眼嵌空執若絞乳具出而復回蕩跡蹤橫乃古伯之狀惟幼栢者葉密枝茂逆梢執聳枝檜者松身栢葉會於松栢曰檜其杖形肆而盤曲其葉聚散而無定乃古檜之軀餘種種群木難以具述惟揪梧柳

規儀形各異大槩有葉之木貴在豐茂而陰  
鬱至於寒林者止務森聳重深分布而不雜  
宜於枯梢老差皆當用淺墨軟梢之木相伴  
和爲之故得幽韻而氣清林鐱不用明白先  
宜烟嵐映帶誠李成咸熙中深得乎其妙用  
者哉梁元帝云木有四時春英夏蔭秋毛冬  
骨春英者謂葉細而花毓也夏蔭者葉密而  
茂盛也秋毛者葉疎而飄零冬骨者葉枯枝  
槁也其有林函者山石上有密木也其有林  
麓者山脚下有林木也林木迴者遠林烟曠  
也遠木者取其大要而不可狂斜倒趄隱淡  
宜立辨其形質不可一一明白也又云質者  
形質備也以雜木取其大綱用墨點成淺淡

相重矣。林木者山之衣者。如人之衣。狀使人儀盛之貌。所貴密木茂林。華盛之表。不可微少衣少者。露骨而如人衣少也。若作一案一石。務要簡耳。

### 論畫石

凡畫石貴要磊落雄壯。蒼古頑澀。礬頭凌面。層疊厚薄。壓重深落。華堅事之堆。四深凸淡之形。皴拂陰陽點勻。高下乃爲破墨之功也。言盤者大石也。然石之狀不一。或層疊而秀潤。或崔嵬而顛。嶺有岩石。岩峩者有恠石。崩灘者或直插入水。而深不可側者。或根石浸水。而脚石相輔者。崿岼嶙峋。千恠萬狀。縱橫放逸。其脉無定。而又皴法多端也。有披麻皴。



者有點皴皴者爾雅云謂木甲錯也有所  
深皴者有橫皴者或勾或連水皴者一點一  
畫各有古今辦法存焉又如昔有人云石無  
十步貢山有千里達况爲山之皴貴其潤澤  
而不貴枯燥也畫之者不可失此

論畫雲霞煙霧嵐光風雨雪

通山川之氣以雲爲揔也雪出於深谷納於  
岫夷揔日蔽空勃然無所拘也升之於晴霧  
則顯四時之象散之於陰晦則逐四時之氣  
故春雲如白鶴則其跡閒逸融和舒暢也夏  
雲如奇峯則其皴陰鬱濃澁而無定也秋雲  
如輕浪漂鱗或若兜羅之狀耶淨而清明也  
冬雪如深墨滲醫示其玄冥之色昏寒深重

此晴雨四時之象也故春陰則雲氣淡蕩夏  
陰則雲氣突墨秋陰則雲氣輕浮冬陰則雲  
氣黯淡此陰雲四時之象然雲之牀合散不  
一為輕而為煙重而為霧浮而為靄散而為  
氣其有嵐光山之氣也煙之輕者雲捲霞舒  
雲者氣之所聚凡畫者分氣候別雲煙為先  
山承中所用者霞不重以丹青雲不重以繪  
彩恐失嵐光野色自然之氣且雲者有出谷  
雲有游雲有寒雲有暮雲有朝雲雲之次為  
霧霧之次為煙有晨煙有暮煙有輕煙煙之  
次為靄有江靄有淡靄有遠靄雲烟霧靄之  
外又言其霞者東曙明霞又曰朝霞西照暮  
霞乃早晚一時之暈也不多用凡霧煙

霧之氣爲嵐光之色遙岑遠樹之神彩也善  
繪於此者則得四時之真氣造化之妙理故  
不可知其風色而順其物理也風雖無跡而  
草木衣帶之形雲頭雨脚之勢無用少逆也  
逆之則失其大要矣繼而雨雪之際時雖不  
同然而有急雨有驟雨有夜雨有雨霽雪有  
風雪有江雪有夜雪有春雪有欲雪有雪霽  
風雨雪之意皆本乎雪氣之輕重類於風執  
之緩急相其時候方可落筆大槩以雲別雨  
雪之意則宜臆不宜顯又如爾雅所云天氣  
下而地不應曰雲言昧物而輕也地氣發而  
天不應曰霧言瞑物而應也風而爲噓風而  
雨爲靈言無分遠近也

霧音煙  
也言瘴風

重而爲噓然詩曰言無別於山林也此  
皆不時之氣非雲之所該也至於魚龍草芥  
之象呂氏之言甚明鳶翔鳳翥之形陸機之  
論深得然在畫者窮天地之奧風雨之候曷  
不可深究焉

論畫人物橋音白橋約音度也閨城寺觀山居舟船四  
時之景

凡畫人物不可龕俗所貴純雅而幽閑其有  
隱居傲逸之士與村夫農者魚父牧豎等輩  
狀不同竊觀古之山水人物優容閒雅無  
有龕惡者近世所作往往粗俗不謹殊不知  
古人之態言橋約者通舟船曰橋不通舟曰  
約約以橫木渡水於溪澗之上但使人跡可

通也閨者在乎山陬之間只一路可通無傍  
坡小坡方用可閨也城者雉堞相映接屋相  
望須當映帶於山崦林木之間不可又一一  
出露恐類其面經山水中所用惟古城可也  
畫僧寺道觀者宜掩抱幽深岩澗之間惟酒  
旗旅店方可當途村落之處而山居隱遠之  
士務要幽僻不同於此宜畫岩菴茅舍軒亭  
水閣野窰道茨傲遊放逸之徒也有廣土處  
可畫柴門茅舍散木平林耕耘之類有廣水  
處可畫漁梁捕魚乎菱螺鯿之類言舟船大  
白舟漁人所汎者曰艇隱送高尚之士所乘  
者曰舫或挿以鬣罩或旋以絲綸者曰漁艇  
或爲木屋者或爲棚模者游舫也以小槩所

拙者謂之飛舫獨一木所造者謂之柁槽於  
山水中所宜用者惟此耳其舟船宜游沫輕  
浮不可重其勢餘江海巨載之舟於山水中  
所用也品四時景物務要明乎物理度乎人  
事春時可以畫人物忻悅而舒和郊游踏青  
穿翠秋千漁唱渡水歸牧耕鋤山游捕魚之  
數也夏可畫人物坦於山陰林壑之處或行  
族憇歇水閣風軒避暑納涼翫水浮果浴鵝  
江滌曉汲涉水風雨渡之類也秋畫人物則  
吹簫翫月采菱院紗漁笛登高賞菊之數也  
冬畫人物圍爐飲酒憊列游宦雪笠寒僮驟  
纓運粮雪江渡口寒郊游獵履水之數也若  
水塋之間可燕於禽鳥者春宜畫燕省黃鸝

夏宜畫鴻鵠鷗鷺秋宜畫征鴈群鷺冬宜畫落鴈寒鴉今畧言其大槩耳若能法此以隨時製景任其才思則山水妝飾而無不備者矣

論用筆墨格法氣韻之病

且畫者筆也此乃心術索之於未兆之前泝之於形儀之後默契造化與道機同握管而潛萬物揮毫而掃千里故筆以立其形骸墨以別其陰陽山水悉乎筆墨而成矣道子筆勝於筴此乃畫之聖賢也常掃山水有墨而無筆項容山水有筆而無墨此皆不得其全善也荆浩采二賢之長以為己能也其用筆太多則失其真骸損其筆而見濁墨太微則

氣怯而弱也過與不及皆為病耳切要循乎  
規矩格法以水乎自然氣韻以全得生意於  
此者備矣失於此者病矣是以推之豈可與  
俗士論哉凡未操筆問當凝神著思預想日  
前所以意筆先意於內然後用格法以揮  
之可謂得之於心應之於乎其用筆有簡易  
而意全者有周密而巧思者或取氣槩而筆  
雅壯者或取順快而流暢者縱橫變用在乎  
筆也然作畫之病也衆矣惟俗最大多出  
淺陋拘卑昧乎格法之士動作無規亂揮取  
逸強務古淡而枯燥苟位巧密而纏縛乍為  
老筆本於自然此為論筆墨格法氣韻之病  
自此起耳古之筆有三病一曰叛病二曰刻



病三曰結病叛病者腕弱筆癢取與全虧物  
壯平匾不能圖渾者叛也刻者用筆顯露用  
筆中疑勾畫之際長生圭角者刻也結者欲  
行不行當散不散似物留礙不能流暢者愚  
又有一論用之確病筆路謹細而凝句全無  
變通筆墨雖行類同用物雕印之跡者確也  
確為新用無  
變移之意凡用筆先求氣韻次求軀要而  
後方求精思若形貌未脩便用巧密精思而  
失其氣韻也大槩以氣韻求其畫則形似自  
得於其間矣且善究山水之理者當守其實  
而寔不足去其筆有餘寔為質餘也筆為筆  
藻也質餘本乎自然筆藻出於人事實為本  
也筆為末也自然軀也人事用也豈可失其

本而逐其末忘其軀而執其用是猶畫者惟  
務華媚而昧法柔細而神氣泯絕真俗病耳  
焉知亦實去華之理哉若行筆或麓或細或  
揮或勾或點或重或輕不可一一分明以布  
遠近取似者氣弱而無畫也其畫太麓則寒  
於理趣其筆大勁則絕乎氣韻一皴一點一  
勾一斫皆有法度若不從畫法意只寓真山  
不分遠近淺深乃鬲經非畫也焉得其格法  
氣韻者歟凡用墨不可深深則傷其軀不可  
微微則散其氣此皆病也勾拙落筆便用墨  
取淡者謂之滑而無法其先皴而後淡次取  
陰陽淺深者真得其理又以畫之取遠景貴  
簡而不絕繁而不冗使觀者豁然而目窮幽

曠瀟洒之趣不其神妙矣

論觀畫別識

瓊瑰琬琰天下皆知爲玉也非卞氏三獻孰別荆山之姿而爲美驂騑驥天下皆知爲馬也非伯樂一顧孰別冀北之駿而爲良若王之無別安得瓊瑰琬琰之各若焉之無別豈非驂騑驥之駿別玉若卞氏識焉者伯樂耳天下後世無復以加之諸是由畫之山水混於世也奪造化之情實論古今之願興發天揮地之形容蘊藉聖人之藝業豈廣頭隸白眼俗人可得而窺義歟蓋有其不惻之神工難各之妙意寓於其間矣且閱諸畫者首看風勢氣韻次究格法高位氣勢氣韻

者為能物理順序有自然生意也格法高位者為有前賢格法得規矩用度也倘然生意純而物理順用度備而於法高故得其格法也雖有格法而不用揉雜焉何哉學成之格豈容雜於范寬正如字法以顏柳不可用隸篆隸不可同功所操不一則所用者差信乎然矣師古驗今善觀者畫可無別乎然古今山水之格非寫法也用畫法耳寫之者非畫也通畫法得神全之氣工寫法者有偏之病亦不可不謹也以近世畫者多執好一家之學不通請名流之迹也衆笑然以此鑒畫則雜乎神思亂乎規矩難識而難別者良由此也雖能明其畫法乃為精通之士論其別云

之理也窮天文者然後識箕斗窮地理者然後識丘陵天地之間雖事之多有條則不紊物之衆有續則不雜蓋各有理之所寓也觀畫之理非融心神盡情縑素情通博覽者不能達是理畫有純質清淡者僻澁古傲者輕清而簡妙者放肆而飄逸者野逸而生意在者幽曠而深遠者昏悞而意存者貞率而意雅者冗細而不亂者厚重而不濁者此皆三古之跡遠其名品叅乎神妙各造於理者然矣初觀可及再觀不可及之而妙用於深者上矣初觀不可及再觀可及窮之而理法幸儀者不矣畫譬猶君子歟顯其跡而其金石著乎行而守規矩觀之而溫厚望之儼然

易事而難說難進而易退動作周旋無不合  
於理者此上格之躰有若是而已畫猶小人  
歟浮言相胥以譎行相尚近之而無取遠之  
而有怨苟諂媚以自全勞詐偽以自蔽施為  
交構無有徇於理者此卑格之躰有若 而  
已倘明其一而不明其二達於此而不達於  
彼非所以能別之也昔人有云畫有六要一  
曰氣氣者制度時用隨 運筆取象無惑二  
曰韻韻者隱路立形脩儀不俗三曰思思者  
刪拙取要凝想物宜四曰景景者制度時用  
搜妙創奇五曰筆筆者雖依法則運作變通  
不負不形如飛如動六曰墨者墨高位暈淡  
品物淺深文采自飛似非因筆有此立法者

神之有神也若六種未脩但有一長亦可采  
覽畫有珎傳於世不自顯者所謂以寔得其  
名矣不斯顯而自顯也畫有一時雖美其名  
易銷者所謂譽過實矣不期銷而自銷也凡  
秘畫者豈可擇於名譽冠蓋但看路清意古  
墨妙筆精景物出間思遠理深氣象瀟灑者  
為佳其未賞精雖唯貴巧拙者鮮矣世有王  
晉卿者咸里之雅士耕獵文史放肆而書每  
燕息之餘多戲小筆散之於公卿家多矣嘗  
蒙青眼左顧每畫必君觀論乎淵奧構其  
名實偶一日於賜書堂東掛李成西挂范寬  
先觀李公之迹云李氏畫法墨潤而筆精烟  
嵐輕勃如對面千里秀氣可鞠次觀氏之作

又云如面前真山幽峯渾厚氣壯雄逸筆力  
此二畫乃一文一武耶遇嘗思其言之由賞  
鑒而通於骨髓其種種之要切須知之方能  
定優劣明是非可謂精通善鑒者畫若不遇  
於識鑒者如瞽行於途無分善惡也悲夫今  
有名卿大夫士之畫自得優游閒適之餘握  
管濡毫落筆有意多求簡易而取清逸出於  
自然之性無一點俗氣以世之格法在所物  
議也古之名流士大夫皆從格法南唐以來  
李成郭熙范寬燕肅宋復古李伯時王晉卿  
亦然矣能悉知此乎

論古今學者

天之所賦於我者性也世之所貴於人者學



也性有顯蒙明敏之異學有日益無窮之功  
故能因其性之所悟求其學之資未有業不  
精於己者也且古人以悟學而開其今人以  
失性而恥於學此所以去古逾遠貽笑於大  
方之家也昔顧愷之憂月登樓家人罕見面  
遇風雨晦暝飢渴喜怨皆不操筆唐有王宰  
杜負外贈歌云十日畫一水五日畫一石能  
事不受相侵迫王宰始肯留真跡古者如此  
多矣畧舉一二前人用為銷曰養神今人反  
以黽利勞神古之學者為己今之學者為人  
古之冠冕上士燕閒餘裕以此為清幽自遣  
之樂唐張彥遠云書畫之術非閭閻之子可  
能也柰何頃者往往以畫為業以利為圖今

之九流之風不修士夫之軀豈不爲自輕其術故不精之良以此也真所謂棄本逐末且人之無學謂之無格無格者謂無前賢格法也豈有不以格法者而自以爲越古超今名賢者歟所謂冥學之士則多性強而自蔽者有三難學者有二何謂也有心高而自蔽者問性憑道學者爲自蔽也有性敏才高雜學而狂亂志不歸一也爲自蔽也有少年風賦其性不勞而頗通懽而不學者爲自蔽也難學者何也有慢學而不知其學之理苟僥倖之榮唯務詐僞以勞心使神志散亂拾實者難學也有本性無好之心而假以爲生者難學也如此之徒技之下耳安得以傳古人之

糟粕達前賢之一間未有不學而良能也信  
斯言也凡學者宜執一家之則法學之成就  
方可變易為己格而可矣噫淵深者流長表  
端者影正則達乎妙藝盡乎精思蓋有本  
者亦若是而已

論三古之畫過與不及

旦論畫多能精當者國之王晉卿也論三古  
高古中古近古三皇以前為荒洪之世畫無  
得名之自伏羲氏定龜文畫於卦象之後畫  
始有形意畫本畫也逮遑帝時史皇觀物而  
狀之此畫之始也至五帝禹湯及秦漢以來  
畫新興焉其時雖錄人姓名然畫跡未有見  
之者莫能定其優劣其畫大興於晉宋其真

跡人問雖有莫得而見之晉卿論三古之畫  
何代謂之高古晉宋為高古唐為中古五代  
為近古晉宋有顧陸張展畫之聖賢也乃為  
百代之師範矣唐張彥遠云古之畫人物純  
重暢而間雅何況於近代耶郭若虛云今之  
佛像鞍馬殆不及古花竹禽鳥山水亦不及  
今唐李思訓張藻朱審王維王宰王炎之流  
乃仙格神奇過於高古亦以為傳世之師法  
耳五朝有荆浩關仝將出古今至宋朝時又  
有李成范寬李維師於關而過之可謂青出  
於藍矣二賢能畫各丘象法時有李昇摹李  
師思訓之格呼為小李將軍亦自丘家法其  
有王士元翟院深王端燕肅董源陸瑾趙幹

屈鼎記真巨然許道寧劉承丘納黃筌燕之  
貴宋迪適訓龐寵崇穆李隱李宗成郝銳梁  
忠信郭熙侯封高克明董贊符道隱水嘉僧  
擇仁吳僧繼章以上名流各書宗法師資品  
學山水之士切要知之貴通其宗祖格法故  
序其後

後序

嘗謂世之論畫者多矣稽古逮今瑣瑣碌碌  
執其偏見持以僻說蔽於天地之純全不識  
古今之妙用者幾何人哉固不可以枚數而  
名許也然畫者祖述於古有自來矣顯於唐  
虞備於商周尊於天子用於宗廟明日月山  
龍之形別鳥獸魚重之跡制之於冠蓋衮冕

設之於尊疊昇器與六經具載百代經傳殆  
此而下雖世不乏人未著於其跡或功於一  
物或長於片善無復有能超越者此盡其純  
全妙用之理也且畫者闢天地玄黃之色泄  
陰陽造化之機掃風雲出沒別虬龍造化億  
鬼神之情狀分江海之洪濤以至山川之秀  
麗草木之茂植翔然而異蹶然而超挺然而  
竒恢然而恠凡域於象數囿於形跡一扶踈  
之細一帽懷之微復於穹窿載於磅礴無逃  
乎萬物最靈者故人之於畫造於理者能盡  
物之妙昧乎理者則失物之真何哉蓋天性  
與心機也性者一定之理機者至神之用機  
之一發萬變生爲性之造其理者因性之自

然造物之微妙心會神思默氣動靜揮於一毫顯於萬象則形質動靜氣韻飄然矣故昧於理者心為緒使氣為物該汨於塵空擾於利役徒為筆之所使耳安得語天地之真哉其山水之妙多善於間隱遂出之流名卿高蹈之士悟空識性明了燭物得其趣者之作所也况山水之樂林泉之興豈傭魯賤隸園園鄙夫惑於饕餮者之所為哉宜其畫之於山水誠匪易可言也今言之跡顯然而著見於域中者不為不多矣畧究形容而推之遙岑疊翠遠水澄明片帆歸浦秋鴈下空指掌之間若睨千里有得其平遠者也雲輕峰秀樹光陰疎江村棧路遙巔崢嶸僧舍溪橋崢

舟人小漱石泉位有得其全景者也松柏老  
而虬恠群水茂而葱鬱臨林盤潤阜上高林  
此得樹石者也萬水披靡千岩聲翠烟重暝  
斜之勢林繁如葉葉有聲此得其風雨者也  
盡至于通乎淵源貫乎神明使人觀之若觀  
青天白日其他閭奧釋然清奧非造理師古  
學之宏遠者鮮克及此今有琴臺韓全公以  
名宦簪履之後家世儒業自垂髫誦習之間  
每臨筆研多戲以窠石既冠後南北窮遊常  
於江山勝槩處所至之景宛然如旋踵在前  
繼而巧畫於山水則落筆驚人迥出塵俗不  
蔽於一偏不殫於一曲不取媚於世不苟名  
於時但存藝於心術精神之間爛額焦頭窮



年皓首過於詩淫傳癖之士未嘗一日舍乎  
筆墨尤恐學之不及也蘊古今之妙而宇宙  
在乎願窮造化之原而萬物生於心古所精  
極思深得其純全妙用之理其南陽全公之  
畫歟公自紹興間擔簦之都下進藝於都尉  
王晉卿所恆薦於今聖藩邨維而上登佐授  
翰林書藝局祇候景迂為直長畫待詔今以  
授忠訓郎公未嘗苟進迄今祇以畫為聖之  
所樂頃者出示以平昔編藁胸臆慮與俾僕  
以文釋意然所集山水之論莫不纖悉備載  
且指而各序其說言無華藻事歸典實傳古  
驗今增加證飾分雲水山林閨城樞約傳其  
傳其筆墨之法講其氣韻之病通四時景候

識三古因革一句一事繁然使後之學者覽而為樞機津要顧不偉歟接朋友則講以古今為文易務理深遠如珠藏於蚌玉蘊於石學之者不可輕易其文當求難於理信乎公之論言如珠玉秘於此焉如公畫純於古而不雜立所論集名曰純全庶幾雅得君子為之廣博也宣和辛丑歲孟冬二十四日夷間張懷邦美後序于集後

格古要論

古名畫

佛道有福聚端嚴之像人物有顧盼語言之意衣紋樹石用筆頗書衣紋大而而調暢細而勁健有捲摺飄舉之勢樹分老嫩屈節皴

李成徐熙李伯時所畫與物傳神盡其妙也  
近世非士大夫畫者繆甚矣

古畫用筆設色

古人畫用筆圓熟傳色入絹素思人神妙愈  
玩愈研雖年遠破烝亦精神沒人作色者色  
墨皆浮於縑素之上全無精采初規可取久  
則意盡矣

古畫絹色

古畫絹色淡黑白有一種古香可愛惟像香  
烟薰黑者多偽作者取香烟瀝或竈烟脂搗  
碎煎汁染絹其色黃而不精采古絹自然破  
者必有鯽魚口須連三四絲若直裂偽作則  
其絹亦新

古畫絹素

唐絹絲麗而厚或有擣熟者有獨梭絹闊四五尺餘者五代絹極麗如布宋有院絹勻爭厚密亦有獨梭絹有等極細密如紙但有稀簿者非院絹也元絹類宋絹有獨梭絹出宣州有必機絹極勻爭厚密嘉興魏塘宓家故名宓三機趙松雪歐子昭王若水多用此絹作畫

院絹

宗畫院衆工凡作一畫必先呈稿然後上真所畫山水人物花木鳥獸種種皆妙

無名人畫

無名人畫有甚佳者今人以無名命為有名

不可勝類如見牛即戴嵩見馬即韓幹也尤可笑者矣

畫難題名

米南宮云范寬師荆浩王說嘗以二畫見送題勾龍與回重皆入水於右上見洪谷子荆浩筆字樣全然不似寬漫於用徒僧房有一軀山水與浩一同於瀑布泉邊題筆厚范寬乃是少年所作信荆浩弟子也以一畫易之收示覽者以此論之畫難題名也

李伯時畫

李龍眠畫但作水墨不曾設色其畫無筆跡重濁者皆為作也獨用澄心堂紙為之惟臨摹古畫間有用絹著色者

米氏畫

米南宮作山水出董元元暉畧變父法自成一家烘鎖點綴草草而成不失天真也畫紙不用膠礬不背於絹上畫臨摹古畫有用絹者

蘇東坡畫

蘇東坡畫墨從地起真到頂 曾逐節分以濃淡分背面作枯木亂屈無端石皴硬奇怪如胸中盤礴也

沒骨畫

嘗有一圖獨拔絹黃箋画播花百合皆無筆墨惟用五彩布成其播花一樹百餘花百合一本四花色如初開極有生意信乎神品也

王維畫

張彥遠云王維畫多不問四時如畫花徃徃以挑杏芙蓉蓮花同作一景畫袁安臥雪圖有雪裏芭蕉此乃得心應手意到便成故造理入神迥得天真此難與俗論也

名畫無對軸

李成范寬蘇東坡米南宮父子皆高尚士夫以畫自娛人家遇有適與則畱數筆豈能有對軸哉今人以孤軸為憊不足與之言畫矣

御府書畫

徽宗御府所藏書畫最多俱是御書標題後用宣和玉瓢御寶於中多有臨摹者未可盡以為真故者仔細辨之

題跋画

古人題書画于引首宋徽廟御書題跋亦然  
故宣和閒背書畫用黃絹引首也近世多書  
於畫首趙松雪云画到元朝遭一劫也

裝背画

畫不脫落不宜數背一背則損精神墨跡隳  
帖亦然邊碎被處必用補不可裁去裁則損  
畫多矣

南村輟耕錄

唐貞觀開元間人主崇尚文雅其書畫皆用  
點龍鳳紉綾為表綠文紋綾為裡紫檀雲花  
杵頭軸白檀通身拂心軸此外又有青赤琉  
璃二等軸牙籤錦帶大和間王涯自鹽鐵據



相印家既美於財治用金玉為軸甘露之變  
人皆剝剔無遺南唐則標以迴鶻墨錦籤以  
潢紙宋御府所藏青紫大綾為標文錦為帶  
玉及水晶擅香為軸靖康之變民間多有得  
者高宗渡江後和議既成擁塲購求為多裝  
褙之法已具名畫記及紹興定式茲更不贅  
姑以所聞見者使賞鑒之士有考焉

廣志卷之九百八十九

技藝

畫

要語

夫畫者肇自伏羲畫於卦象之後以通天地之德以類萬物之情嗣於堯帝時有史皇倉頡生焉史皇狀龍魚龜鳥之跡倉頡因而為字相繼更始圖籍萌矣本畫也畫先而畫次之傳曰畫者成造化助人倫窮神變測幽微與六合同功四時並運發於天然非由述作其書畫同軌而未分故知文能序其事不能載其狀故有書無以見其形有畫不能見其言

存形莫善於畫宣物莫善於言故知書畫異  
名其揆一也古云畫者聖也蓋以窮天地之  
至奧顯日月之不照揮纖毫之筆則萬類由  
心展方寸之削則千里在掌不為筆補造化  
者哉自古達今名賢上士雅好之者盡也然  
精於繪事者多矣愚祖世偽業薄系名宦賦  
惟疎野惟神智所適切慕於畫采前聖之模  
範究古人之糟粕自幼嗜好晉心於此者至  
今白首尚且孳孳無倦惟患學之淺短自為  
成癖尔乃夙賦其性邪唐右丞王維之章冠  
世畫絕古今嘗自題云當世謬詞客前身應  
畫師師誠哉是言也且夫畫山水之述其格  
清淡其理幽奧至於千變萬化四時景物風

言王維畫物多不問四時如畫花往往以桃杏芙蓉蓮花同畫一景予家所藏摩詰畫素安卧雪圖有雪中芭蕉此乃得心應手意到便成故其理入神迥得天意此難可與俗人論也謝赫云衛協之畫雖不該倫形妙而有氣韻凌跨群雄曠代絕筆又歐文忠盤車圖詩云古畫畫意不畫形梅詩詠物無隱情忘形得意知者寡不若見詩如見畫此真為識畫也

王仲至閱吾家畫最愛王維畫黃梅出山圖蓋其所圖黃梅曹溪二人氣韻神檢皆如其為人讀二人事迹也還觀所畫可以想見其人也

國史譜言客有以按樂圖示王維維曰此霓裳第三疊第一拍也客未然引工按曲乃信此好奇者為之凡畫奏樂止能畫一聲不過金石管絃同用一字耳何曲無此声豈獨霓裳第三疊第一拍也或疑舞節及佗舉動拍法中別有奇声可驗此亦不然霓裳曲凡十三疊前六疊無拍至第七疊方謂之疊遍自此始有拍而舞作故曰樂天詩云中序擘騁初入拍中序耶第七疊也第三疊安得有拍但言第三疊第一拍即知其妄也或說嘗有人觀畫彈琴圖曰此彈廣陵散也此或可信廣陵散中有数声佗曲皆無如潑擲声之類是也

畫牛虎皆畫毛惟馬不畫予嘗以問畫工工言  
屏馬毛細不可畫予難之曰鼠毛更細何故却  
畫工不能對大凡畫馬其大不過盈尺此乃  
以大為小所以毛細而不可畫鼠乃如其大  
自當畫毛然牛虎亦是以大為小理亦不應  
見毛但牛虎深毛馬淺毛理湏有別故名輩  
為小牛小虎雖畫毛但略拂域而已若務詳  
密翻成冗長約略拂拭自有神觀迥然生動  
難可與俗人論也若畫馬如牛虎之大者理  
當畫毛蓋見小馬無毛遂亦不謾此庸人襲  
跡非可與論理也又李成畫山上亭館及樓  
塔之類皆仰畫飛簷其說以謂自下望上如  
人平地望塔簷間見其橫插此論非也大都

山水之法蓋以大觀小如人觀假山耳若同真山之法以下望上只合見一重山豈可重重悉見兼不應見其巉谷間事又如屋舍亦不應見中庭及後巷中事若人在東立則山西便合是遠境人在西立則山東却合是遠境似此如何成畫李君蓋不知以大觀小之法其間折高折遠也自有妙理豈在掀屋角也

畫工畫佛身光有匾圓如扇者身側則光亦側此大謬者渠但見雕木佛耳不知此光常圓也又有畫行佛光尾尚後謂之順風光此亦謬也佛光乃定果之光雖却風不可動豈常風能搖哉

度支負外郎宋迪工畫尤善為平遠山水其得意者有平沙鴈落遠浦帆歸山市積嵐江天暮雪洞庭秋月瀟湘夜雨煙寺勉鍾漁村落昭謂之八景好事者多傳之往歲小窰村陳用之善畫迪見其畫山水謂用之曰汝畫信工但少天趣用之深伏其言曰常患其不及古人者正在於此迪曰此不難耳汝先當水一敗牆張絹素訖倚之敗牆之上朝夕觀之觀之既久隔素見敗牆之上高平曲折皆成山水象之心存目想高者為山者為水坎者為谷缺者為澗顯者為近晦者為遠神領意造然見其有人禽草木飛動往來之象了然在目則隨意命筆默以神會自然境皆



天就不類人為是謂活筆用之自此畫格進也

名畫錄吳道子嘗畫像佛番其圓光當大會中對萬衆舉乎一揮圓中運規觀者莫不驚呼畫家為之自有法但以肩倚壁畫臂揮之自然中規其筆畫之麤細則以一指拒壁以為准自然均勻此無足奇道子妙處不在於此徒驚俗眼耳

宋國初江南布衣徐熙偽蜀翰林待詔黃筌皆以善畫著名尤長於畫花竹蜀平黃筌并二子居寶居實弟惟亮皆隸翰林圖畫院擅名一時其後江南平徐熙至京師送圖畫院品其畫格諸黃畫花妙在賤色用筆極新細殆

不見墨跡但以輕色染成謂之寫生徐熙以墨筆畫之殊草草略施丹粉而已神氣迥出別有生動之意筌惡其軋已言其畫麁惡不入格罷之熙之子乃効諸黃之格更不用墨筆直以彩色圖之謂之沒骨圖工與諸黃不相下復能瑕疵遂得畫院品然其氣韻皆不及熙遠甚也

王鉞據陝州集天下良工畫壽聖寺壁為一時妙絕畫工凡十八人皆殺之同為一坎瘞于寺西廂使天下不復有此筆其不道如此至今尚有十堵餘其間西廊迎佛舍利東院佛每壁最奇妙神彩皆欲飛動又有鬼母瘦佛二壁差次其餘亦不甚過人也

江南中主特有北苑使董源善畫尤工秋嵐遠  
景多寫江南真山不為奇峭之筆其後建業  
僧巨然祖述源法皆臻妙理大休源及巨然  
畫筆皆宜遠覩其用筆甚草草近覩之幾不  
類物象遠覩則景物粲然出情遠思如觀異  
境如源畫落照圖近視無功遠覩村落杳然  
深遠悉是晚景遠峯之頂宛有反照之色此  
妙處也

作画祇是簡理家最緊要吳融詩云良工善  
得丹青理

作画用墨難但先用淡墨積至可觀處然後  
用焦墨濃墨分出畦陸遠近故在生紙上有  
許多滋潤處李成惜墨如金是也

作畫大要去邪糾俗類四箇字

筆談

藏畫者多取空名偶傳為鍾王顧陸之筆見者  
爭售此所謂耳鑒又有觀畫而以手摸之相  
傳以謂色不隱指者為佳畫此又在耳鑒之  
下謂之揣骨聽聲歐陽公嘗得一古畫牡丹  
叢其下有一猫未知其精粗丞相正肅吳公  
與歐公姻家一見曰此正午牡丹也何以明  
之其花披哆而色燥此日中時花也猫眼黑  
睛如線此正午猫眼也有帶露花則房而  
色澤猫眼早暮則睛圓日漸中缺長正午則  
如一線耳此亦善求古人心意

相國寺舊畫壁乃高益之有畫衆工奏樂一

者最有意人多病擁琵琶者誤撥下絃衆管  
皆發四字琵琶四字在上絃此撥乃掩下絃  
誤也予以謂非誤也蓋管以發指為聲琵琶  
以撥過為聲此撥掩下絃則聲在上絃也蓋  
之布置尚能如此其心匠可知

書畫之妙當以神會難可以形器求也世之觀  
畫者多能指摘其間形象位置彩色瑕疵而  
已至於奧理冥造者罕見其人如彦遠畫評  
三病

畫有三病皆繫用筆一曰板二曰刻三曰結  
板者腕弱筆癡全虧取學物狀平褊不能圓  
混也刻者運筆中疑心手相戾勾畫之際妄  
生去角也結也款行不行當散不散似物凝

礙不能流暢也

六要

氣韻兼力一也格制俱老二也變異合理三也  
也彩繪有澤四也去來自然五也施學捨短  
三也

六長

麤鹵求筆一也僻澁求寸二也細巧求力三  
也狂恠求理四也無墨求染五也平畫求長  
六也

製作楷模

釋像有善功方便之願道流具修真度世之  
範帝王崇天日龍鳳之來外夷有慕華欽順  
之情儒賢見忠信禮義之風武士多勇悍英

烈之貌隱逸識高世之節貴威尚侈靡之容

天帝明福嚴重之儀魁神作配觀天者之

狀仕女宜秀色倭切嬌果切媚奴切之態田家有

醇吐朴野之真畫衣紋林石用筆全類於書

衣紋有重大而調暢者有縝細而勁健者勾

綽縱製理無妄下以狀高側深斜卷摺飄舉

之執林木有樛枝挺幹屈節皴皮經裂多端

分數萬狀山石多磐頭亦為凌而要作

遠而氣雄崢嶸而秀潤畜獸湏脩筋力精神

毛骨隱起魚龍求游泳之妙升降之宜現畫

水湯湯若動使人有浩然江湖之思屋水折

筭無虧筆墨均壯深遠透空花竹有四時景

候陰陽向背筍條老嫩苞萼後先自然艷麗

間野園蔬野草咸有出土性禽鳥尚毛羽  
翔舉飛集之形知此雖不能盡鑒閔之精妙  
然工拙略可見矣有逸品皆高人勝士  
寄興寓意者當求之筆墨之外方為得趣  
古今優劣

佛道人物士女牛馬近不及古山水林石花  
竹禽魚古不及近何以明之且顧愷之陸探  
微張僧繇吳道元及閻立德立本皆純重雅  
正性出天然吳生之作為萬世法號曰畫聖  
張董周昉韓幹戴嵩氣韻骨法皆出意表後  
之學者終莫能到故曰近不及古至如李成  
關仝范 董源之跡徐熙黃荃居宋之蹤前  
不籍師資後無復繼踵惜使二李三王之輩



復送邊寫陳庶之倫再生亦將何以措手於  
其間哉故曰古不及近

粉本

古人畫葉謂之粉本前輩多宝蓄之蓋其草  
之不經意處有自然之妙宣和紹興所藏本  
粉多有神妙者

賞鑒

看畫如看美人其風神骨相有

之外者

今人看古蹟必先求形似次及傳染水及事  
實殊非賞鑒之法也米元章謂好事家與賞  
鑒家自是兩等家多資力貪名好勝物遇收  
置不過聽聲此謂好事若 監則矣資高明  
多閱傳錄或自能畫或深畫意每得一圖終

日寶玩如對古人雖聲之奉不能奪也看畫  
之去不可一途而取古人命意立迹各有其  
道豈拘以所見繩律古人之意哉鐙下不可  
看畫醉飲酒邊亦不可看畫卷舒不得其法  
最為害物

唐人五代絹素麓厚宋絹輕細望而可別唐  
宋也

古人畫墨色俱入絹縷精神迥出偽者雖極  
力仿倣而粉墨皆浮於縷素之上神氣亦索  
然蓋古今筆法圓熟用意精到初若率易愈  
玩愈佳今人雖極工緻一覽而意盡矣  
御題畫真偽相雜往往有當時名手臨摹  
作故秘府所藏臨摹本皆題為真迹惟明

所題取多具眼者自能別識也

袞襖書畫定式

大整幅上引首三寸下引首二寸

小全幅上引首二寸七分下引首一寸

經帶四分上標除打撇竹外爭一尺六寸五分下標除上軸外爭七寸

一幅半上引首三寸六分下引首二寸六分  
經帶六分

雙幅上引首四寸下引首二寸七分上標除打撇竹外爭一尺六寸八分一標除上軸桿外爭七寸三分

兩幅半上引首四寸二分下引首二寸九分  
經帶一寸二分

三幅上引首四寸四分下引首三寸一分經帶一寸三分

四幅上引首四寸八分下引首三寸三分經帶一寸五分

橫卷標合長一尺三寸高者用全幅引首闊四寸五分高者五寸

古畫不脫不須楷標蓋人物精神髮彩花之穠艷蜂綻尺在約略濃淡之間一經背多或失之也故紹興裴視古畫不許重洗亦不許裁剪過多古厚

古厚紙不得揭薄若紙去其半則書畫精神一如摹本矣

檀香辟溫氣畫必用檀軸有益開匣有香而

無糊氣又辟蠹也

南村輟耕錄

唐張彥遠著歷代名畫記十卷自軒轅時至會  
昌元年能者三百七十餘人其叙風之源  
流曰夫畫者成教化助人倫窮神變側幽微  
與籍同功古先聖王受命應籙則有龜字効  
靈龍圖呈寶自巢燧已來皆有此瑞庖犧氏  
發於榮河中典籍圖書萌矣軒轅氏得於溫  
洛中史皇蒼頡狀焉是時也書風同體而未  
分象制肇創而猶畧無傳其意故有書無以  
見其形故有畫按字學之部其六曰鳥書在  
幡信上書端象鳥頭者則畫之流也顏光祿  
云圖載之意有三一曰圖理卦象是也二曰

圖識字學是也三曰圖形繪畫是也又周官  
教國子以六書其三曰象形則畫之意也是  
故知書畫異名而同體也泊乎有虞作繪繪  
畫明矣既就彰施仍深比象於是禮樂大闡  
教化由興故能揖讓而天下治廣雅云畫類  
也爾雅云畫彩也說文云畫畛也象田珍畔  
所以畫也釋名云畫掛也以采色掛物象也  
故鍾鼎刻則識魑魅而知神姦祈章明則昭  
軌度而備國制清廟肅而尊彛陳廣輪度而  
彊理辨以忠以孝畫在於雲臺有烈有勲皆  
登於麟閣見善足以戒惡見惡足以思賢故  
陸士衡云宣物莫大於言存形莫善於畫此  
之謂也其論畫六法曰昔謝赫云畫有六法

一曰氣韻生動二曰骨法用筆三曰應物象  
形四曰隨類傳采五曰經營位置六曰傳模  
移寫自古畫人罕能兼之彦遠試論之曰古  
之畫或能遺其形似而尚其骨氣以形似之  
外求其風此難可與俗人道也今之畫得  
形似而氣韻不生以氣求其畫則形似在其  
間矣上古之風迹簡意淡而雅正顧陸之流  
是於中古之畫細密精緻而臻麗之流  
是也近伐之畫煥爛而求備今人之畫錯亂  
而無肯綮工之迹也夫象物必在乎形似形  
似須全其骨氣形似皆本乎立意而歸  
乎用筆顧愷之曰畫人最難次山水次狗馬  
其臺閣一定器耳差易為也斯言得之至於

鬼神人物有生動之可狀須神韻而後全故  
韓子曰狗馬難鬼神易狗馬乃凡俗所見鬼  
神乃謫怪之狀斯言得之至於營經位置  
畫之揔要然今之畫人粗善寫貌得其形似  
則無其氣韻具其采色則失其筆法豈曰畫  
也其論風體工用撮寫曰夫畫物特忌形貌  
采章歷歷足見甚謹甚細而外露巧密所以  
不患不了而患於子既知其了亦何必了此  
非不了也若不識其了是真不了也夫失於  
自然而後神失於神而後妙失於妙而後精  
精之為病也而成謹細自然者為上品之上  
神者為上品之中妙者為上品之下精者為  
中品之上謹而細者為中品之中余今立此



五等以包六法以貫衆妙其詮量可有數  
百等孰能周之非夫神邁識情超心慧者  
豈可議乎知畫宋郭若虛著圖畫見聞志六  
卷自唐會昌元年至神宗熙寧七年能畫者  
二百七十四人其論製作楷模曰大率圖風  
風力氣韻因在當人其如種種之要不可不  
察畫人物必分貴賤氣貌朝代衣冠釋閭有  
善功方便之顏道像具脩真度世之範帝王  
崇上天聖之表外夷得慕華歛順之情儒見  
忠信禮義之風武士多勇悍英烈之貌隱逸  
識肥遯高士之節貴戚尚紛華侈靡之客天  
帝明威福嚴重之儀鬼神作親覩切者馳雄  
好鬼之狀士女宜秀色嬌切鳥果嬌切奴生之熊

田家有醇醪朴野之真風衣紋林石用筆全類於書衣紋有重大而調暢者有縝細而勁健者勾縛縱掣理無妄下以狀高側深

褶飄舉之勢林木有撐枝挺幹屈節披皮細裂多端分數萬狀作怒龍驚虬之勢筆凌霄翳曰之姿山石多作礮頭亦為接面落筆便見堅重之性皴淡耶生空亞之形破墨之切尤難畫畜獸全要停分向背筋力精神肉質肥圖毛骨隱起畫龍旁游泳蜿蜒之妙得回蟠升降之宜畫水湯湯若動使觀者有浩然之思畫屋水折筭無虧筆畫勻壯深遠透空畫花竹有四時景候陰陽面背筍條老嫩苞萼先後自然艷麗閒野達諸園蔬野草咸有

出士體惟畫禽鳥識形體各件之異悟翔舉  
飛集之態其論氣韻非師曰謝共六法精論  
萬不侈然而骨法用筆以下五法可學如其  
氣韻必在生知固不可以巧密復得不可以  
歲月列默契會神不知然而然其論用筆得  
失曰凡畫氣韻本乎游心神乎生於用筆意  
在筆先筆周意內畫盡意在像應神全夫內  
自足然後神間意定神間意定則思不竭而  
筆不困也畫有三病皆繫用筆一曰版二曰  
刻三曰結版者腕弱筆痴全虧取與物狀平  
徧不能圓混也刻者用筆中疑心手相戾勾  
畫之際妄生圭角也結者欲行未行當散不  
散和物凝滯不能流暢也其論古今優劣曰

佛道神物士女牛馬迹不及古山水林石花  
竹禽魚古不迹及何以明之且顧愷之陸探  
微張僧繇吳道元及闡立德立本皆純重雅  
正徃出天然吳生之作為萬世法號曰畫張  
聖董周昉韓幹戴嵩氣韵骨法皆出意表後  
之學者終其能到故曰迹不及古如李成閔  
仝范寬董源之迹徐熙黃筌居采之蹤前不  
籍師資後無復繼踵者借使二李三王之北  
復起邈焉陳庶之倫再生亦將何以措手於  
其間其三曰古不及近鄧椿著畫繼十卷自  
熙七年至孝宗乾道三年者一百一十九人  
其論遠曰畫之為用大矣盈天地間者萬物  
悉皆含豪運忠曲盡其態而所以能曲盡者

止一法耳一者何也曰傳神而已矣世徒知人之有神而不知物之有神此若虛深鄙衆工謂雖曰畫而非畫者豈止能傳其形不能傳其神也故畫法以氣韻生動為第一而若虛獨歸於軒冕岩穴有以哉又曰自背鑒賞家分品有三曰神曰妙曰能獨唐朱景真謨唐賢畫錄三品之外更增逸品其後王休復作益州各畫記乃以逸為先而神以能次之景真雖云逸格不拘常法用表賢愚然逸之高豈得附於三品之末未若復休首推之為當也又有畫繼補遺一卷不知誰所譔則自乾道以後至理度間能畫者八十餘人爾後

陳德輝著續畫記一卷丹自高宗建炎初至

幼主德祐乙亥能畫者一百五十一人然與  
畫繼補遺則相出入者耳二書僅可考閱姓  
名無足觀也趙希鵠洞天清錄集云古畫多  
直幅至有畫身長八尺者雙幅亦然橫披始  
於宋氏父子非古制也河北絹經緯一等故  
無背而江南絹則經窳而緯細有背面唐人  
畫或用搗熟絹為之然止是生搗令絲縠不  
礙筆工非如今煮鍊加漿也古絹自然破者  
必有鯽魚口與雪絲偽作者則否古畫色墨  
或淡黑則積塵所成自有一種古香可愛若  
偽作者多作黃色而鮮明不塵暗此可辨也  
米芾畫史云古畫若得之不脫不溷背襍若  
不佳揆裸一次背一次壞屢更矣深可惜蓋

人物精神髮采花之攢艷蜂蝶只在約畧濃  
淡之間一經背多或失之也古畫至唐初皆  
生絹至吳生周昉韓幹後來皆以熟湯湯半  
熟捷如版故作人物精采入筆今人效唐  
太必以絹辨見紋麤便云不是唐非也張僧  
繇閻令畫皆生絹南唐畫皆麤絹徐熙絹或  
如布絹素有破必好風裂文各有辨長幅橫  
卷裂紋橫橫幅直卷裂紋直各隨軸勢裂也  
直繼不當一縷歲久卷自兩頭蘇開斷不相  
合不作毛搯亦蘇不可偽作其偽者快刀直  
過當縷兩頭依舊生作毛起搯又堅紉也濕  
染者色棲縷間乾熏者烟臭上深下淺古紙  
素有一般古香真絹色淡雖百破而色明白

精神采色如新惟像多經香烟熏損本色  
染絹作溫香色接塵文間最易辨仍蓋色上  
作一重古者不直裂須連兩三經不可偽作  
國朝東楚湯垕字君載號采真子著畫鑒一  
卷論歷代名畫悉有依據其雜論曰古人作  
畫皆有深意運思落筆莫不各有所主况名  
不無虛士相傳既久必有過人處今人看風  
出自見不經師授不閱記錄但合其意者為  
佳不合其意者為不佳及問其如何佳則  
茫然失對僕自十七八歲時便有迂闊之意  
見圖畫愛玩不去手見鑒賞之士便加禮問  
徧借記錄髣髴成誦詳味其言歷觀名迹叅  
考古說始有少悟若不畱心不過為聽聲隨



影終不精鑒也燈不可看風醉餘酒邊不  
可看畫俗尤不可示之卷舒不得其法最  
為害物至於庸人孺子見畫必看妄加雌黃  
品藻本不識物託訂真偽令人短氣古人畫  
藻謂之粉本前輩多寶畜之蓋其草草不經  
意處有天然之妙宣和紹興所藏粉本多有  
神妙古人作畫有得意者多再作之如李寒  
林范寬雪山王詵烟江疊障不可舉故看畫  
如看美人其風神骨相有體肌之外者今人  
看古迹必先求形似次及傳染次及事實殊  
非賞鑒之法也元章謂好事家與賞鑒家自  
是兩等家多資力貪好名勝遇牧置不通  
聽聲此謂好事若鑒賞則天資高明多閱

錄或能畫或深畫意每得一圖終日寶玩如  
對古人不能奪也觀六朝畫先觀絹素次觀  
筆法次觀氣韻大槩十中可信者一一御府  
有題印者尤不可信古畫東移西掇補成  
章此弊自高宗朝莊宗古始也余友人吳興  
夏文彥字士良號蘭渚生其家世藏名蹟鮮  
有比者朝夕玩索心領神會加以游於畫藝  
悟入厥趣是故鑒賞品藻萬不失一因取名  
畫記圖畫見聞志畫繼續畫記為本叅以宣  
和畫譜南渡七朝畫史齊梁魏陳唐宋以來  
諸家畫錄及傳記雜說百氏之書搜潛剔秘  
網羅無遺自軒轅時至宋幼主德祐乙亥得  
能畫者一千二百八十餘人又女真三十人

本朝自至元丙子至今九十餘年間二百餘人共一千五百餘人其考覈誠至矣其用心良勤矣所論畫之三品蓋據前人所來發論曰氣韵生動出於天成人莫窺其巧者謂之神品筆墨超絕傳染得宜意趣有餘者謂之妙品得其形似而不失窺矩者謂之能品古人畫墨色俱入絹綾精神迥出偽者雖極力髣髴而粉墨皆浮於縑素之上神氣亦索然蓋古人筆法圓熟用意精到若率易愈玩愈佳今人雖極工緻一覽而意盡矣唐及五代絹素麤厚宋絹輕細望而可別也御題畫真偽相雜往往有當時名筆臨摹之作故祕府所藏臨摹本皆題為真迹惟明昌所題最多

具眼自能識也吁可謂真知畫者哉

寫山水訣

近代作畫多宗董源李成二家筆法樹石各不相似學者當盡心焉

樹要四面俱有幹與枝蓋取其圓潤

樹要有多畫家謂之紐子要折搭得分中樹身各要有發生

樹要偃仰篩密相間有葉樹枝軟而後皆有仰枝畫石之法先淡後墨起可改可救漸用濃墨者為上

右無十步真石看三面用方面之法須方多圓少董源坡脚下多有碎石乃畫建康山勢董石謂之麻皮皴坡脚先向筆畫過皴起然

後用淡墨破其深凸處著色不離乎此石著色要重

董源山山石謂之礬頭山中有雲氣此皆金

陵山景皴法滲軟下有沙地用淡墨掃屈曲

之每再用淡墨破

山論三遠從下相連不斷謂之平遠從近隔

開相對謂之潤遠從山外遠景謂之高遠

山水中用筆法謂之筋骨相連有筆有墨之

分用描處糊突其筆謂之有墨水筆不動描

法謂之有筆此畫家緊要處山石樹木皆用

此

大槩樹要填空去小樹大樹一偃一仰向背

濃淡各不少相犯繁處間疎處須要得中若

畫得純熟自然筆法出現

畫石之妙用藤黃水浸入墨筆自然潤色不可用多多則要滯筆間用螺青入墨亦妙吳妝容易人眼使墨士氣

皮袋中置描筆在內成於好景處見樹有怪異便當模寫記之分外有發生之意登樓望空闊處氣韻看雲采耶是山頭景物李成郭熙皆用此法郭熙畫石如雲古人云天開圖畫者是也

山水中唯水口最難畫

遠水無灣遠人無目

水出高原自上而下切不可斷派要取活流之流

山頭要折搭轉換山脉皆順此活法也衆峯如相揖遜萬樹相從如大軍領卒森然有不可犯之色此寫真山之形也

山坡中可以置舍水中可置小艇從此有生氣山腰用雲氣見得山勢高不可側畫石之法最要形象不要石有三面或在上左右側皆可為面臨筆之際殆要取用山下有水潭謂之瀨畫此甚有生意四邊用樹簇之

畫一案一石當逸墨撇脫有士人家風纔多便入畫工之流矣

或畫山水一幅先立題目然後著筆若無題目便不成畫更要記春夏秋冬景色春則萬

物發生夏則樹木繁冗秋則萬象肅殺冬則  
烟雲黯淡天色模 画此者為上矣

李成画坡脚須要數層取其温厚米元章論  
李光丞有後代兒孫昌盛果出為官者最多  
画亦有風水存焉

松樹不見根喻君子在野雜樹喻小人崢嶸  
之意

夏山欲雨要帶水筆山上石小塊堆在上  
謂之礮頭用水筆暈開加淡螺青又是一般  
秀潤畫不過意思而已

冬景借地為雪要薄粉暈山頭

山水之法在乎隨機應變先記皴法不雜布  
置遠近相映大槩與寫字一般以熟為妙紙



上難畫絹上褰了好着筆好用顏色易入眼  
先命題目此為之上品古人作画胸次寬闊  
布景自然合古人意趣畫法盡矣

好絹用水噴溫石上槌眼匾然後上幘子褰  
法春秋膠褰停夏月膠多褰少冬天褰多膠  
少

着色螺青拂石上藤黃入墨畫樹甚色潤好  
看